


- Erngarfissaanik ikkussisoqassaaq taassumalu putua ima atsigissaaq qanorluunniit pisoqartillugu imeq imertaassuarniit tunniunneqartoq utersortissinnaassallugu, imalu inissinneqassaaq kuuffik immiisarfiimiit isigineqarsinnaatillugu.
- Tanki ulikkaaraangat ikkittartussamik qulleqassaaq, qulleq imatut inissinneqassaaq immiisarfigisamiit ukiup qanoq ilinera apeqqutaatinnagu ulloq unnuarlu isigineqarsinnaassalluni.

Aserfallatsaaliineq

Imiisivimmik tassungalu ikkussorneqarsimasunik tamanik aserfallatsaaliineq piginnittumit/atuisumit pisussaaffigineqarpoq aamma maangaannartitsisoqaraluarpat tamanna Nukissiorfinnut akisussaaffigitinneqarsinnaanngilaq.

Imiisivimmik ikkussuineq



Nukissiorfinnit pisisartut imiisivimminnut imermik pajutsittartut illuminni erngup ajoqusiisinaanera pinngitsoorniarlugu tankip imiisivimmik ajoquteqannginnera qulakkeertussaavaat.

Taamaattumik Nukissiorfiit peqitertagaq una suliaraa.

Matuma kinguliani Nukissiorfiit Imermik tamanik pilersuinermi nalinginnaasumik piomasagaataaneersut ilanngunneqarput pisisartullu pisussaaffii nassuiaatigineqarput.

Pilersuinermi piomasagaatit nassaarineqarsinnaapput uani:
www.nukissiorfiit.gl

Saqqaaani takutinneqarpoq tankip imiisiviup qanoq iliorluni eqqortumik ikkussuunneqarnissaa.

Pilersuinermi piomasagaatinit tigulaakkat:

Akisussaaffik

Imertaassuit atorlugit imermik pajuttuinermi Nukissiorfiit makkuninnga pisoqartillugu akisussaatinneqarsinnaangillat:

- Erngup ikkuffia silataaniit isigineqarsinnaangitsup ajoquteqarnera pissutaalluni erngup ajoqusiinerinut.
- Kuuffiup qerisoorsimaneranik imaluunniit milittoorsimaneranik pissuteqartumik ajoqusiinernut imaluunniit erngup ajoqusiinerinut.
- Erngup imiisivimmut tunniunneqareernerata kingorna erngup pitsaassusianut.

Piginnittut/pisisartup akisussaaffigivaa imiisiviup atortuisalu aserfallatsaalineqarnerat, taamaaliornikkut immiinermi ajutoortoqaqqunagu.

Ornigunnissamut periarfissat

Biilnik ornigunnissamut, slangimik siatsitsinissamut aamma ikkussinissamut periarfissat, Kalaallit Nunaanni sulinermi avatangiisit pillugit inatsit malillugu, sillimanissamut aamma peqqinnissamut isumannaalluinnartuusussaapput.

Biilnik orniguffissaq imaassaaq imermik immiinissaq ajornanngitsuussalluni, aqqusinermiillu tamanit aqputigineqartumiit imermut slangi takinerpaamik 25 meteri atorlugu immiisoqarsinnaassaaq. Tummeqqat, nunami sivinganerit tamakkuluunniit assigisaat pissutigalugit ungasissuseq Nukissiorfinniit annikillineqarsinnaavoq.

Tankip imiisiviup ikkussorneqarnissaanut piomasagaatit

Tanki imiisivik Nukissiorfinnit innersuussutigineqartut malillugit ikkussorneqassaaq, atortullu atorneqartut imermut imerneqartussamut atorneqartussat akuerineqarsimasuussapput.
SAQQAA TAKUUK

Imiisivik ikkussorneqarneralu atorneqalinnginnerminni Nukissiorfinnit akuersissutigineqaqqaassapput. Imiisivinnut ikkussorneqarnerannullu piomasagaatit pingaarnerit makkuupput:

- Tankit imiisiviit inimi qerinangitsumi kuuffeqartumi inissinneqassapput.
- Tankit imiisiviit inimi allermi inissinneqarsinnaanerit nalinginnaasumik taamaallaat akuerisaavoq.
- Tankit imiisiviit 1000 literit inorlugu imaqarsinnaasut taamaallaat Nukissiorfiit allakkatigut akuersissuteqarnerisigut ikkussorneqarsinnaapput.